

413 mîn vrouwe Antikonie,
 vor valscheit diu vrîe,
Dort al weinende bî im stêt.
 ob iu daz niht ze herzen gêt,
 5 sît iuch bêde ein muoter truoc,
 sô gedenket, hêrre, ob ir sît kluoc,
 ir sandet in der meide her.
 wære niemen sînes geleites wer,
 er solte iedoch durch sî genesen.«
 10 der kûnec liez einen vride wesen,
 unz er sich baz bespræche,
 wie er sînen vater ræche.
 Unschuldec was hêr Gawan.
 ez hete ein ander hant getân,
 15 wande der stolze Ehkunat
 eine lanzen durch in lêrte pfat,
 dô er Jofreiden fiz Idœl
 vuorte gegen Barbigœl,
 den er bî Gawane vienc.
 20 durch den disiu nôt ergienc.
 Dô der vride wart getân,
 daz volc huop sich von strîte sân,
 manneglîch zen herbergen sîn.
 Antikonie, diu kûnegîn,
 25 ir veteren sun vaste umbevienc.
 manec kus an sînen munt ergienc,
 daz er Gawanen het ernert
 unt sich selben untât erwert.
 si sprach: »dû bist mînes veteren sun.
 30 dû kûndest durch niemen missetuon.«

vor valsche diu vr., *T
 d. alweinende bî iu (alweinunde bi in I al weinende O) st. *G (ohne LZ)
 sô denket, *G (nur GI)
 er s. doch d. sî g.« *T (ohne V) (I)
 v. geræche. *T (nur T)
 ze (zeder I [Z V]) h. (herberge I [Z]) *G (ohne O)
 dûne kanst durch *G (nur GI)

*D: D *m: m *G: G I O L Z *T: T U V

3 Initiale D O L Z V 5 Initiale I 10 Majuskel T 13 Initiale T U · Majuskel D 19 Initiale I 21 Majuskel D T

2 valscheit] valsch *m 29 veteren] [veter]: veteren D